




Kwabe kusekuseni ngesamarimarima esiqhiwini
seenyamazana, umtlhogomeli weenyamazana uHenry
wabe aziselela itiye.

Ekulisa, abatlhogomeli beenyamazana bebatlhogomela
abantwana beenyamazana abafuna itlhogomelo khulu.
Umtlhogomeli uHenry bekalinde udorhodera
weenyamazana ukobana afike.



UDorhodera uNosiso ungudorhodera weenyamazana olapha iinyamazana zommango. Wabe avakatjhele isiqhiwu seenyamazana ukuzokuhlolola abantwana abathathu bengwemabala ebasanda ukubelethwa.

Ngemva kobana uDorhodera Nosiso ahlole abantwanabo, umtlhogomeli uHenny banomtlhogomeli u-Ann babapha ukudla.



Lokha unophehlwana wabatlhogomeli esiqhiwini nabekakhamba phezulu aphosa amehlo, abatjhayeli bakhe babona umntwanyana wendlovu alele phasi. Umntwanyana lo bekatsirimezekile.

Unophehlwana wafike wathatha uDorh. Nosiso nomtlhogomeli uHenny wabasa emntwaneni wendlovu.



"Indlovu le kufanele ithathwe msinya isiwe esibhedlela seenlwana!" kutjho uDorh. Nosiso.

Abatlhogomeli baqubula umntwanyana lo bambeka esitretjhareni. Unophehlwana wathatha umntwanyana wendlovu lo wamrhabisela esibhedlela.



Lokha umntwana lo nasele angcono khulu, wathathwa wasiwa ekulisa yesiqhiwini seenyamazana.

“Ngabona uhlezi amalanga amanengi khulu ungaseli amanzi,” kutjho umtlhogomeli uHenny endlovini lokha nakayidlisako.



Eemvekeni ezimbalwa, umntwanyana wendlovu wakhula
waba mkhulu. Wakhula waba yindlovana elelesako
ebeyithanda ukudlala ngabatlhogomeli.

Umntwanyana wendlovu lo bekamthanda tle umtlhogomeli
uHenny!



Ngelinye ilanga ebusuku, ithraga yaletha umntwanyana wendlulamithi ogulako esiqhiwini.

Kwafuneka bona boke abatlhogomeli beze bazokusiza ukungenisa umntwanyana osibaga lo ekulisa.




UDorh. Nosiso wakhupha iinhlahla ukobana indlulamithi le izisele.

Boke abantu bebatshwenyekile ngesilwanyana esincani lesi, ebesibhalelwa ngitjho nakujama imbala.



Ngemva kweenyangana, umntwanyana lo wakhula waba namandla begodu waba mude.

Umtlhogomeli uHenny wathoma ukuthatha isitebhisi ukobana adlise umntwanyana lo.



Msinyazana nje, iinlwana nasele zipholile zinepilo
bezibuyela emmangweni esiqhiwini. Kodwana okwanje,
bezithabelia ukudllala ndawonye ekulisa.

Iinlwana ziqakathekile begodu nabantu abazithhogomelako
nabo baqakathekile.